



Universitätsbibliothek Paderborn

**Tractatio Synoptica De Ivdiciis Ad Lib: II. Decretal:
Gregorii IX.**

**Herberstein, Ferdinand von
Tabarelli de Fatis, Donato Vincenzo**

Spirens., 1660

4. Qua autoritate executio facienda? quid si alibi sententia dicta sit, alibi Reus domicilium & bona possideat? quae ratio exequendi judicatum?

urn:nbn:de:hbz:466:1-11416

judicatæ instituitur ad præstandum id, quod in condemnationem deductum est, vel recta fit executio. Actio rei judicatæ tum in primis utilis & necessaria est, cum dubitatur, an judicatum sit, aut exceptiōnibus aliquibus, adversus judicatum reus munitus est. Eā enim quæritur non a debeat reus, sed an judicatum sit. *L. miles.* 6. §. ult. & *L. minor.* 40. ff. *de minor:* Instituitur adversus reum principalem non contra curatorem, tutorem, procuratorem, nisi litis se obtulerint, aut in rem suam dati sint *L. 4. ff. dere jud:* quod si plures unâ sententiâ in eandem quantitatem condemnati sint, proportione in singulos datur. *L. Paulus.* 43. ff. *eod:*

3. Exceptiones rei judicatæ hæ ferè opponiscent, quod receperit actor id, quod petebat. *L. 1. C. dere jud.* Quod post rem, judicatam novatio facta sit. *L. 4. §. ex conventione.* ff. *eod..* Quod obligatio ipso jure extincta sit: *L. 5. ff. de re jud:* Et præcipue, quod aut omnino judicatum non sit, aut inter alios, aut non ritè. *L. sapè. 63. ff. eod.*

4. Porrò executio fieri debet authoritate publicâ. Qui privatâ libidine pignora ac-

ra acceperit, furti tenetur, aut vi bonorum raptorum. L. miles sup. ff. de re jud: aut si executionem postulaverit, cum cause cognitio non præcessisset, actione quod metus causa damnatur. L. ult. §. ult. ff. quod metus causa. Et quidem Magistratus velis, qui jurisdictionem habet ordinariam, ipse sententiam suam per apparitorem exequitur: qui verò notionem nudam habet, ut sunt delegati, eorum sententiam exequuntur hi, à quibus dati sunt. L. à Divo Pio. 15. ff. de re jud. Canisius. lib. 4. tit. 18. Excipe delegatum Summ. Pontificis, qui in integrum annum habet ad exequendam sententiam suam. cap. quærenti. 20. de off: deleg: aut si vult executionem ad loci ordinarium, refert. cap. significasti eod: Quid si alibi sententia dicta sit, alibi eius domicilium & bona possideat? Respondent interpres. Scribere debet qui jus dixit ad Præsidem alterius Provinciae, ut sententiam à se dictam exequatur. cit. L. 15. §. 1. Potest & absque litteris hujusmodi actio rei judicatae institui apud alterius Provinciae Præsidem. Alciat. in L. pen: ff. de jurisd. n. 10. Potest Princeps adiri, ut mandet executionem

tionem alteri. *Donell: in cit. L. 15. §. 1.*

5. Modus exequendi non unus est: vel enim fit manu militari, vel captis pignoribus, vel missione in possessionem, vel carcere. Manu militari executio fit, cum quis rem certam seu corpus testituere jussus, non paret judici cum posset. *L. qui restitueret. 69. ff. de rei vind:* Captis pignoribus executio tum potissimum fit, cum reus jussus est pecuniam solvere. *L. 4. ff. de rei jud:* capiuntur pignora per eum qui jurisdictioni praest. *L. 15. ff. eod:* Primò quidem res mobiles imprimis animales: tum immobiles: postremò jura. *L. 5. C. de execu-
tio rei jud:* Qui ordo, cum in utriusq; utilitatem cedat tam debitoris, quam creditoris, inverti non potest. *arg. eiusd: L. 15.* An stipendia militum, annonæ &c. capi possint? Non possunt quamdiu aliæ res sup-
funt, *L. 4. C. de exe. rei jud:* Quo argumento rectè dixeris, nec commoda Clericorum, nec salario Doctorum capi posse, donec res aliæ supersunt. *Baldus in Authen: sed jam cautum C. depositi.* Prohibentur etiam executores capere servos aratores, boves
arato-